

Renovacion y reconstruccion di edificio monumental ta core cu retrazo di algun luna

ORANJESTAD (AAN): Un biaha mas contratistanan ta fayando cu nan pronostico den proyectonan di gobierno. E biaha aki ta e edificio Monumental den Zoutmanstraat. Tur cos ta mostra cu cinco luna pasa mas of menos e proyecto mester a keda cla. Awor parece e lo keda cla mey mey di February y promete di Maart oficialmente e ta wordo entrega. Ta un proyecto carga pa FDA. E proyecto aki na promete instante tabata tin otro intencion cune pero na caminda cu cambio di cartera pa otro minister el a dicidi di trece cambio tambe den e destinacion. E contratista a faya den su

pronostico. E bentananan y kozijn mester a wordo traha na Curacao. Y aki ta caminda tur e problema a bin pasobra nan no a keda cla y pa lunanan ta coriendo atraza. Esnan cu pasa eybanda claramente ta mira e tardanza di e proyecto.

E mandatario Otmar Oduber encarga cu e proyecto a splica cu nan tin tur mobilario cla pa drenta. Ta warda nan ta warda e contratista keda cla. Dimes e cooce e tardanza di algun luna cu e proyecto ta hibando pa motibo di e contratista mes.

Den e edificio aki lo bai acomoda Unesco, Seyo Arubano cu ta atende cu

e artistanan local cu ta traha artesanía. E sala di exposicion lo bai habri algun luna despues pasobra aki tambe mester caba di acomoda tur cos na su lugar. Un otro departamento cu tambe lo bai wordo acomoda den e edificio ta e proyecto comunitario nobo. Esaki ta esun cu lo substitui FDEC.

E proyecto di Seyo Arubano cu e sala di exposicion lo no tin benta pa publico. E benta di artesanía lo tuma lugar na San Nicolas den e proyecto cu plan master cu gobierno tin. Awor ta cuestion di carga pasenshi pa mira si berdad e contratista lo bai cumpli cu e fecha nobo di entrega e proyecto.

